

اوپنات گمرومینه مجله

هفته لقی سیاسی ، ادبی ، علمی غزته در

جلد : ۳

سنه : ۲ ۲۷ ربیع الآخر ۱۳۳۶ جمعی ایتسی ۹ شیاط ۱۹۱۸ نومرو ۲۳ — ۵۴

مناظره واسلامیت

مناظرهیه مراجعت صورتیله جل مسائل عالم اسلامیتده اصحاب کرامک زمانلرندن اعتباراً باشلامشدر . جده ک ، اخوه ک اولاد امک توری وشارب خمر حقنده حد شرعی اجراسی وکیجه لری خانه سنه کیزلیجه برطاقم کسانى قبول ایتکده اولدینی خبر ویریلان برقادین حقنده بالذات ترصدایدرك بو یوزدن مذبوره ک حامله اولدینی جنینک سقوطنه سیبیت ویرمش اولسندن وبوصورت معامله اصحاب کرامجه « ولاتجسسوا الخ » آیت کریمه سیله قابل تألیف کورلمدیکنندن ناشی حضرت عمرک جنینک دیتی ایله محکوم ایدلسی کی برطاقم مسائل هپ اصول مشورت و مناظرهیه مراجعت صورتیله نتیجه حله اقران ایتش مهم امور شرعیه دندر .

معلوم اولدینی اوزره عصر سعادتده بین المسلمین تحدث ایدن اختلافات و منازعات احکام قرآنییه ویا وحی الهیه ویا اجتهاد عالی جناب پیغمبرییه توفیقاً فصل ورؤیت اولنوردی سده ارتحال نبویدن صوکره بو وظیفه مهمه امضای قضایه مأمور بیورلمش اولان اصحاب کرامه تودیع بیوریلهرق مشار الیهم حضراتی ایسه احکام قرآنییه ایله سن سنیه اقتدا واتباع ایتش ونه اقران ایتامش اولان خصوصاتده دخی اجتهاد ذاتیلریله عمل ایتکه مجبور قالمشردی . مشکات نبوتدن بالذات اقتباس فیض و معرفت ایتش و بناء علیه او قرنی تعقیب ایدن قرون اخیره رجالی کی غیرک معلوماتنه مراجعت احتیاجندن و اوسته بولمش اولان ذوات مشارالیه ک اجتهاداتنده اختلافه تصادف اولنه بیلیر سده جملة سنک یگانه مقصدی حقه اظهاری ایله حقانیتک محافظه سی نقطه سندن عبارت بولندیغی جهته هر مسئله نی کال انتظام وجدیتله موقع مناظرهیه وضع وبوصورتله اسلامیتک تعاینه تعلق ایدن اسبابک تطبیقنه مسارعت ایدرلردی . کرچه خلفای راشدین حضراتک دورندن صوکره چوق زمان کچه دن مسند خلافت بعض ایجابات زمانیه مبنی علوم دینییه انتسابی اولیان بعض ذواته توجیه اولمش ایسه ده اشراف قایمین

ذکامی نور نکهانده منجلی هر آن
 کوچک یاشنده بیوک سوزلری بوکا برهان ؛
 او وضع بهتر و ناز کترین شوخ و بلند
 حقیقه نه قدر محتشم و بی مانند !
 کوزمده قالدی خیال کزین پک یوکسک
 اوکون که اویله طلبکار شعر ایدی او ملک ؛
 او وضع بهتره شعر ودها اولور حیران !..
 سز کدر ایشته ، سزک شعر وشاعر آی سلطان !
 — نشان طاشی : ۵ کانوژ اول ۱۹۱۷ —

نظار بنت عثمانه

نسخه بومیه من (آلی) دمه :

نفس لوامه نك بكا خطابي [*]

ناظمی رضا نوفی

کل اوغول !. یریمه فلا کتکه ؛
 یانماخجه ، جوهر قال اولورمی یا ؟
 آجیمه بوش کچن شو زحمتکه ؛
 چله چکمه یخجه حال اولورمی یا ؟



بر آووج آرپه یمش دیتک سنک ؛
 بیلنمه دی یازیق ، قیمتک سنک !.
 نه ایشه یارادی نیتک سنک ؟
 بال دیمکله آغیز بال اولورمی یا ؟



كانكش دكلسك ، نه اوق آتارسك !
 ياباني ديكنسك ، كوزه باطارسك .
 ابجدی بیلیمزسك حكمت ساتارسك !
 الف ، با ، با ، جیم ، جیم ، دال اولورمی یا ؟



عمرک هدر اولدی : کتاب اوقودك !
 بر طوتام عقلی دولابه قودك !..
 ایپلكك چوروكش ، نه بز طوقودك !
 پاچاوره پارچهسی شال اولورمی یا ؟..



نه اومدك كوچوكدن ، حتی بویوكدن ؟
 كون طوغارمی صاندك ، اوطهده یوكدن ؟
 چیانلر یوواسی قورو کوتوكدن ،
 فیلیر توره یوبده دال اولورمی یا ؟..



حق ! . دیدك . باقماذك دوسته ، خاطره .
 بسم الله یازیلی زاغلی ، ساطره !..
 بویله بر اوغورسز سرسم قاطره ،
 قاریوز قابوغندن نال اولورمی یا ؟..



ارنلر دریایه پوسته کی سرمش ؛
 طاغ ، ده کیز آشارق مراده ایرمش .
 یوزمه بیلیمینلر چایده کبرمش ،
 چاماشیر تکنهسی صال اولورمی یا ؟..



سن توران ایلنی آنکین می صاندك ؟
 زال اوغلی رستمی دنكك می صاندك ؟
 هی مفلس ! . کندیکي زنکین می صاندك ؟

طاتلی مالیخولیا مال اولورمی یا؟



بوش یره باشکی خولیا به صالما !
آبدست سز ، آغزیکه فاتحه آلا !
ایمره نوب باقدینگک او قیزل الما ،
کونش کورمه دجه آل اولورمی یا ؟



(کوپ) کده پکمزک طور طویمش مکر !
(اوچان ، طورنا !) دیدک . مارطی یمش مکر !
(یارین ، بایرام !) دیدک . نورطی یمش مکر !
بویله چنکانه جه قال اولورمی یا ؟



هی رضا عالمی قاصدک ، قاووردک ،
صاچه دوزدک اما ، حکمت صاووردک !
گاه چیویسنه ، گاه نالنه ووردک ،
یابانی قاطره نال اولورمی یا ؟

۴ نیسان ۱۳۲۹ ، بیک

[*] بومنظومه ده ناظم ، کندی تعقیب ایتش اولدوغی مسالکی ،
حتی استهداف ایتدیکی غایه لری تنقید واستخفاف ایدیور .

ایرلن ویشلنک اویاتمه نائیری

— مابعد —

ظن جرأتکارانه مه کوره کال بکک بو مطالعه سنی مجروحدر
اولا، احمد پاشا زمان اعتباریه علیشیر نواییدن متأخر دکل: معاصر ایدی، ثانیاً، احمد پاشانک دم
نوائی قدر طوغریدن طوغری به عجمدن اقتباس مال ومضمون ایدم جک قدر لسانه واقف و بیان
صاحب بولندیغی آثاریه مثبتدر . حتی حافظ شیرازینک بر مصراعنی بالبداهه وغایت ظریفانه
تضمین ایدم جک قدر فارسی شناس اولدیغی ده آشغیده کوره جکز ؟